

御纂醫宗金鑑卷七十一

編輯外科心法要訣目錄

脛部

三里發

腓脰發

黃鰵癰

青蛇毒

接骨發

附陰疽

內踝疽

外踝疽

穿踝疽

濕毒流注

附瓜藤瘻

腎氣遊風

賺瘡

鱧漏

四彎風

風疽

足部

足發背

湧泉疽

脫疽

敦疽

甲疽

足跟疽

厲癰

四淫

臭田螺

牛程躩

土栗

冷疔

脚氣瘡

田螺炮

肉刺

雜錄醫宗金鑑 卷七十一

御纂醫宗金鑑卷七十一

編輯外科心法要訣

三 里 發 圖



三里發生腰眼下行初生如牛眼其色青黑左右皆同

經部

三里發

三里發腫牛眼形膝眼之下冷痛凝勞力傷筋兼胃熱腫色青
黑紫血膿

註

此證生膝眼下三寸外側前廉兩筋間初腫形如牛眼拘
急冷疼由勞力傷筋胃熱凝結而成漸增腫痛其色青黑
潰出紫血次出稀膿內外治法俱按癰疽腫瘍潰瘍門

肥 膈 發 圖



肥膈發生腿肚正中若皆同

腓膈發

腓膈發在小腿肚憎寒煩躁積熱成焮腫痛潰膿血吉漫腫平

塌清水凶

註

此證發於腓膈即小腿肚也由腎水不足膀胱積熱凝結

而成古方云不治若焮赤高腫疼痛潰出正膿而兼血者

吉為順或漫腫平塌紫暗臀痛潰出清水者凶為逆初服

仙方活命飲潰服八珍湯氣血虛者服十全大補湯下虛

者以桂附地黃丸補之外治法同癰疽潰瘍門

仙方活命飲

見腫瘍門

八珍湯

十全大補湯

俱見潰瘍門

桂附地黃丸

見面部頰瘍

黃 鯀 癰 圖



黃鯀癰生腿肚裏側長數寸紅腫形如蛇蟻去右

黃鰵癰

黃鰵癰生腿肚旁疼痛硬腫若鰵長肝脾濕熱微紅色順出稠膿逆敗漿

註

此證生在小腿肚裏側疼痛硬腫長有數寸形如泥鰵其色微紅由肝脾二經濕熱凝結而成應期潰破出稠膿者為順若出污水敗漿者屬逆初服五香流氣飲其次內外治法俱按癰疽腫瘍潰瘍門

五香流氣飲

金銀花 二兩

小茴香

殭蠶 炒

羌活

獨活

連翹 去心

栝蒌仁 各一兩五錢

膏

丁香 二錢

木香

沉香

甘草 各一錢

分爲十劑水煎隨病上下服

方歌五香流氣治黃鯁流注結核也能瘰丁木茴沉殭藿草銀

花羌獨翹栝蒌

青蛇青生圖



青蛇青生腫肚之下長三寸結腫紫塊頭大尾細吞皆同

青蛇毒

青蛇毒生腿肚下形長三寸紫塊殭腎與膀胱濕熱結急鍼蛇頭血出良

註

此證又名青蛇便生於小腿肚之下形長二三寸結腫紫塊殭硬憎寒壯熱大痛不食由腎經素虛膀胱濕熱下注而成蛇頭向下者毒輕而淺急刺蛇頭一半寸出紫黑血隨鍼孔搽拔疔散外敷離宮錠內服仙方活命飲加黃蘗牛膝木瓜亦有蛇頭向上者毒深而惡急刺蛇頭一二寸出紫黑血鍼孔用白降丹細條插入五六分外貼巴膏餘腫敷太乙紫金錠內服麥靈丹俟毒減退次服仙方活命

飲調和之若毒入腹嘔吐腹脹神昏脈躁俱為逆證

拔疔散

見齒部
牙疔

離宮錠

仙方活命飲

麥靈丹

俱見腫
瘍門

白降丹

巴膏

俱見潰
瘍門

太乙紫金錠

見胸
部
脾發疽

接骨發圖



接骨發生脛骨之下足後跟相接處初如胡桃種似物打磕斷之狀兩足皆圓

接骨發

接骨發如核桃形腿肚之下硬脹疼色紅漫腫宜速潰遲損筋
脈缺踵行

註

此證生於腿肚之下接骨之上脛骨與足後跟骨相接處
故名接骨發屬膀胱經濕熱凝結而成初如核桃其硬如
物打磕礮之狀急脹微疼色紅漫腫膿宜速潰遲則膿毒
損筋筋脈既傷腿缺踵行踵行者不能全足踐地惟恃足
指着力而行也始終內外治法俱按癰疽腫瘍潰瘍門

附陰疽圖

附陰疽生內踝之上，尋紅腫如雞卵，
昆音同。



御製醫宗全錄

卷二十一

編輯外科心法要訣

七

附陰疽

附陰疽發內踝上初如紅粟日增疼堅

便赤腫漸如卵三陰交

會濕熱凝

註

此證生於內踝骨之上三寸初

紅粟疼痛日增堅硬赤

腫漸如雞卵係三陰交會濕

聚而成始終內外治法

俱按癰疽腫瘍潰瘍門但三

穴係純陰之穴收斂遲緩

調養不可不慎

內踝外疽圖



二疽其種淺腫不痛

內踝疽

內踝疽 外踝疽

內外踝疽濕寒成血澁氣滯阻於經三陽外側三陰裏初用宣通蒜灸靈

註

此二證生兩足踝近腕之處在內踝者名走緩又名鞋帶

疽在外踝者名脚拐毒蓋內踝骨屬三陰經脈絡也外踝

骨屬二陽經脈絡也俱由濕寒下注血澁氣阻而成其堅

硬漫腫皮色不變時時隱痛難於行立者初服瘡科流氣

飲加牛膝木瓜防已以宣通之外用蒜片灸法以消之發

三陰經者服內托黃耆湯發三陽經者服內托羌活湯若

虛弱將欲作膿跳痛無時者俱服十全大補湯外敷烏龍

膏其腫潰治法俱按癰疽腫瘍潰瘍門

瘡科流氣飲

見背部痰注發

內托黃耆湯

見股部附骨疽

內托羌活湯

見臀部上馬癰

十全大補湯

見潰瘍門

烏龍膏

見腫瘍門

穿 踝 疽 圖



穿踝疽係裏外踝骨通腫不紅

穿踝疽

穿踝疽由脾濕寒裏發串外踝骨間有頭屬陽陰悶腫潰出清
水廢疾纏

註

此證由脾經濕寒下注血澀氣阻而成先從裏踝骨發起
串及外踝致令裏外通腫以有頭為陽易破若惟悶腫無
頭為陰難潰其證初起寒熱往來有紅暈兼有熱也宜服
荆防敗毒散皮色不變者服萬靈丹其餘腫潰治法俱同
內外二踝疽若潰出清水或投方不應纏綿日久者必成

廢疾難治

荆防敗毒散

見頭部
臨疽

萬靈丹

見腫
瘍門

濕毒流注圖



瓜藤纏係遶腰而生

濕毒流注生歷骨三個者是也

三籠初如牛眼次則漫腫色紫者輕黑者重左右同

濕毒流注

附瓜藤一釋

濕毒流注腿脛生頂如牛眼漫腫形紫輕黑重膿水漬寒濕暑熱在腠凝

註

此證生於腿脛流行不定或發一二處瘡頂形似牛眼根

脚漫腫輕則色紫重則色黑潰破膿水浸漬好肉破爛日久不斂由暴風疾雨寒濕暑火侵在腠理而肌肉爲病也初覺急服防風通聖散加木瓜牛膝防已蒼朮消之若腿脛至晚發熱者宜服當歸拈痛湯加牛膝外治初搽三妙散腫痛全消換搽輕粉散斂之卽効若連脛而發卽名瓜藤纏結核數枚日久腫痛腐爛不已亦屬濕熱下注而成

治法同前

輕粉散

輕粉 一錢五分

黃丹

黃蘗

密陀僧

高末茶

乳香 各三錢

麝香 五分

共研末先用葱熬湯洗患處再搽此藥

方歌 輕粉黃丹麝陀僧末茶乳麝共研成濕毒流注賺瘡證化

腐除濕又止疼

防風通聖散

見頭部 禿瘡

當歸拈痛湯

見股部 腿遊風

三妙散

見腹部 臍癰

腎氣遊風圖



腎氣遊風生於腿腫暈如雲片

腎氣遊風

腎氣遊風腿肚生紅腫如雲火烘疼證由腎火蘊於內膀胱氣滯外受風

註

此證多生於腎虛之人腿肚紅腫形如雲片遊走不定痛如火烘由腎火內蘊外受風邪膀胱氣滯而成也初服紫蘇流氣飲次服板榔丸外用豆腐研調黃蘗末貼敷之甚效

紫蘇流氣飲

紫蘇

黃蘗

木瓜

檳榔

香附

陳皮

川芎

厚朴
薑炒

白芷

蒼朮

米泔水浸炒

烏藥

荆芥

防風

甘草

獨活

枳殼

麩炒

等分薑三片棗一枚水煎服

方歌

紫蘇流氣藥瓜椰香附陳芎厚芷蒼烏藥荆防甘獨枳腎

氣遊風服最昌

檳榔丸

檳榔

枳殼

各二兩
麩炒

木瓜

一兩五錢

木香

一兩

大黃

四兩

共研細末煉蜜爲丸如梧桐子大每服三十九空心白滾湯送下黃酒送下亦可

方歌檳榔枳殼木瓜研木香大黃煉蜜丸腎氣遊風紅腫痛空心水送自然痊

賺 搶 圖



賺 搶 生 兩 腿 脛 之 裏 外 廉 骨

廉瘡

廉瘡當分內外廉外廉易治內難痊外屬三陽濕熱結內屬三陰虛熱纏法宜搜風除濕熱外貼三香夾紙餞

註

此證生在兩脛內外廉骨外廉屬足三陽經濕熱結聚早

治易於見效內廉屬三陰有濕兼血分虛熱而成更兼廉

骨皮肉澆薄難得見效極其綿纏初發先癢後痛紅腫成

片破津紫水新起宜貼三香膏色紫貼夾紙膏日久瘡色

紫黑貼解毒紫金膏又年久頑廉瘡皮烏黑下陷臭穢不

堪者用蜈蚣餞法去風毒化瘀腐蓋貼黃蠟膏漸效初服

黃耆九日久者服四生九下元虛冷者宜虎潛丸常服甚

效但腿脛在至陰之下生瘡者宜戒勞動發物其證可愈
否則難痊

三香膏

輕粉

乳香

松香 各等分

共為末香油調稠用夾紙一面以鍼密刺細孔將藥夾搽
紙內先以葱湯洗淨患處將藥紙有鍼孔一面對瘡貼之
三日一換

夾紙膏

黃丹

炒

輕粉

兒茶

沒藥

雄黃

血竭

五倍子

炒

銀朱

枯礬

各等分

共為末量瘡大小剪油紙二張夾藥於內紙周圍用麵糊粘住紙上用鍼刺孔先將瘡口用葱椒煎湯洗淨拭乾然後貼上以帛縛之三日一洗再換新藥貼之

方夾紙膏貼賺瘡破黃丹輕粉兒茶沒雄黃竭倍銀朱礬油

紙夾貼腐可脫

解毒紫金膏

明淨松香

皂礬

各一觔 煨赤

共研極細末香油調稠先用葱艾甘草煎湯洗淨患處再搽此藥油紙蓋住以輭布紮緊三日一換此藥又治楊梅

結毒腐爛作臭膿水淋漓用之甚效

方歌
解毒紫金賺瘡爛明淨松香皂礬煨二味研末香油調葱
艾草湯先洗患

蜈蚣錢

蜈蚣

甘草

獨活

白芷 各一錢

桐油二兩將藥煎滾先以米泔水洗淨賺瘡水和白麵作
圈圍在瘡之四邊勿令洩氣將腿放平以茶匙挑油漸漸
乘熱加滿待油溫取下已後風毒自散腐肉漸脫其功甚
速

歌方 蜈蚣錢治久疔瘡皮黑下陷臭難當桐油煎草獨活芷白

麵圈瘡油燙強

黃蠟膏

血竭

赤石脂

煨

龍骨

各三錢煨

共為細末香油一兩入血餘栗子大一團煤枯去渣再入

黃蠟一兩白膠香三錢容化盡離火下血竭等末攪勻候

冷磁罐盛之用時掬作薄片貼瘡上絹帛縛定三日後翻

過貼之

歌方 黃蠟血餘竭白膠石脂龍骨人油調蜈蚣錢後此膏蓋肌

肉能生痛自消

黃耆丸

黃耆

川烏頭

炮去皮弦

赤小豆

蒺藜

炒去刺

地龍

去土炒

川棟子

鹽水泡去核

茴香

炒

防風

各一兩

烏藥

五錢

右爲細末酒煮麩糊爲丸如梧桐子大每服十五丸空心

溫酒送下鹽湯亦可婦人用醋煎滾候溫送下

方歌黃耆丸治賺瘡起川烏赤豆共蒺藜地龍川棟茴香炒防

風烏藥酒糊宜

四生丸

地龍

去土炒

白附子

僵蠶

炒

草烏

去皮尖炮

五靈脂

各等分

右為細末米糊為丸如梧桐子大每服三四十九食前茶

酒任下

方歌 四生臙瘡久纏綿骨節多疼舉動難地龍白附殭蠶炒草

烏靈脂米糊丸

虎潛丸

敗龜板

酥炙四兩

知母

黃蘗

二味鹽酒炒

熟地

各三兩

牛膝

酒蒸

白芍

酒炒

陳皮

各二兩

瑣陽

酒潤

當歸

各一兩五錢

虎脛骨

酥炙一兩

酒洗

共研末羯羊肉酒煮爛搗膏和八藥末內爲丸如梧桐子
大每服三錢空心淡鹽湯送下冬月加乾薑一兩

方歌

虎潛丸療筋骨痠下元虛冷精血虧龜板瑣陽膝虎脰知
藥巧陳熟地歸

鱗

漏

圖



鱗漏生於腿肚形如濕毒破爛皆有孔數處深如鑽眼兩腿皆同

此症多因血熱毒氣滲入肌腠... 治法宜用... 藥材... 內服... 外洗...

鱗漏

鱗漏生在腿肚間孔如鑽眼津水綿頗類濕瘡濕熱發艾湯薰洗覺癢痊

註

此證由濕熱而成初起頗類濕瘡生於腿肚癢痛相兼破津黃水綿綿不已其孔深如鑽眼復受寒氣侵入瘡孔以致口寒肌冷法宜艾葉老葱熬湯每日先薰後洗瘡口發熱覺癢時即貼黃蠟膏收斂而愈

黃蠟膏

見臙瘡

四 癆 風 圖



四癆心生兩腿凹及兩脚癩破如濕癬

四彎風

四彎風生腿脚彎每月一發最纏綿形如風癰風邪襲搔破成瘡癢難堪

註

此證生在兩腿彎脚彎每月一發形如風癰屬風邪襲入腠理而成其癢無度搔破津水形如濕癰法宜大麥一升熬湯先薰後洗次搽三妙散滲濕殺蟲其癢即止緩緩取效

三妙散

見腹部
癰癢

風 疽 圖



風疽生兩腿脛骨出凹之處紅腫皮爛

風疽

風疽生脛曲凹中癢搔皮損津汁膿風邪留於血脈內煩熱昏
冒肌腫痛

註

此證生脛骨及曲凹之處癢搔皮損津黃汁極其黏濃由
風邪留於血脈相搏而成因其根深故有疽名甚則身體
煩熱昏冒而肌肉透紅更增腫疼宜服防風湯外抹青竹
大豆油即效

防風湯

防風

附子
製

麻黃
蜜炙

白芷

木通

柴胡

當歸

焙

桔梗

甘草

炙

羌活

各五分

共為粗末水一鍾半煎八分澄去滓食後服臨睡再用一服如欲出汗俟空心頭煎落滓併一服之後食稀粥生薑食畢被覆臥取汗避風

方歌

防風湯療風熱捕留於血脈津汁破附子麻黃芷木通柴

胡歸桔甘羌活

青竹大豆油

青竹筒截三尺長徑一寸半筒內裝黑豆一升以穀糠馬糞

二物燒火當竹筒中炙之以磁盥兩頭接取油汁先以清米

泔水和鹽熱洗患處拭乾卽塗豆油不過三度極效

方歌青竹筒截三尺長徑要寸半黑豆裝穀糠馬糞燒灰筒風
疽搔癢油塗良

足發背圖



足發背生足背生

足部

足發背

足發背屬膽胃經七情六淫下注成詳別善惡分順逆細辨疽癰定死生

註

此證一名足跗發凡足背雖行三陽而偏在膽胃二經居多證由七情內鬱或兼六淫外傷而成經云三背不宜生瘡惟足背多筋多骨肉少皮薄又在至陰之下發瘡疽者升發遲慢所以謂爲險候也宜別五善七惡而分順逆發背者大瘡之通名也須當細辨或疽或癰順逆旣分則生死定焉初宜服仙方活命飲及隔蒜灸之令瘡速潰餘與

腫瘍潰瘍門治同

仙方活命飲

見腫瘍門

隔蒜灸法

見首卷灸法

湧泉疽圖



湧泉疽是心火所起

湧泉疽

湧泉疽發在足心腎虛濕滯多屬陰速破潰淺癰可治黑陷爲疽命難存

註

此證生在足心湧泉穴一名足心發又名穿窠天地俗名病穿板屬足少陰由腎經虛損兼濕熱下注而成若十四日內卽潰膿淺爲癰猶可調治初服仙方活命飲外用神燈照法虛甚膿生遲者十全大補湯潰後兼用桂附地黃丸服之餘治按癰疽腫瘍潰瘍門若黑陷不疼二十一日之內不潰膿者爲疽屬陰敗之證難救

仙方活命飲

見腫瘍門

神燈照法 見首卷

十全大補湯 見潰瘍門

桂附地黃丸 見面部
頰瘍

脫疽圖

脫疽生足指色黑旁有紅暈平插



脫疽

脫疽多生足指間黃皰如粟黑爛延腎竭血枯五敗證割切仍黑定歸泉

註

此證多生足指之間手指生者間或有之蓋手足十指乃藏府枝幹未發疽之先煩躁發熱頰類消渴日久始發此患初生如粟黃皰一點皮色紫暗猶如煮熟紅棗黑氣侵漫腐爛延開五指相傳甚則攻於脚面痛如湯潑火燃其臭氣雖異香難解由膏粱藥酒及房術丹石熱藥以致陽精煽惑淫火猖狂蘊蓄於藏府消燂陰液而成斯時血死心敗皮死肺敗筋死肝敗肉死脾敗骨死腎敗此五敗證

雖遇靈丹亦難獲效初起宜服解毒濟生湯外用大麥米
煮飯拌芙蓉葉菊花葉各五錢貼之止痛消之不應者必
施割法須患者情愿將死生付於度外遵古法毒在肉則
割毒在骨則切然割切之法須宜早施乘其未及延散時
用頭髮十餘根緊纏患指本節盡處遶紫十餘轉毋令毒
氣攻延好肉隨用蟾酥餅放於初起黃炮頂上加艾灸之
至肉枯瘡死爲度次日病指盡黑方用利刀尋至本節縫
中將患指徐順取下血流不止者用如聖金刀散止之餘
腫以離宮錠塗之次日倘有黑氣未盡單用蟾酥餅研末
撒之用陀僧膏蓋貼黑氣自退患上生膿兼貼生肌玉紅

膏及空肌等藥肌生護骨斂口此爲吉兆內宜滋腎水養
氣血健脾安神之劑如陰陽二氣丹清神散金液戊土丹
俱可服之若內外始終無變證十中可保三四若割切之
後復生黑氣過節侵漫好肉疼痛尤甚者屬逆此證初起
不痛者宜雌雄霹靂火灸之其餘滋補燙洗等法俱按癰
疽腫瘍潰瘍門按諸書論脫疽單生於足大指而別指生
者俱名敦疽此非確論然脫疽偏生於屬陰經之指者居
多屢經如此後之學者宜詳審焉可也

解毒濟生湯

當歸

遠志

去心

川芎

花粉

柴胡

黃芩

犀角

縹

麥冬

去心

知母

黃蘗

茯苓

金銀花

各一錢

紅花

牛膝

甘草

各五分
生

水二鍾煎八分入童便一杯食前服

如生手指間去牛膝加升麻

方歌

解毒濟生歸遠芎花粉柴胡犀麥冬知藥茯苓紅膠草脫

疽初起煩熱薑

如聖金刀散

松香 七兩

生白礬

枯白礬

各一兩五錢

共研極細末磁罐收貯臨用時撒於患處

方歌如聖金刃散刃傷血流不止撒之良白礬枯礬松香等共

研為末罐收藏

陰陽二氣丹

天門冬 去心

麥門冬 去心

元參 湯泡去粗皮以上三味各搗膏

五味子 炒

人中白 生

黃蘗 各一兩

甘草 生

澤瀉

枯白礬

青黛 各三錢

冰片 一錢

各研細末同天門冬等膏加煉蜜少許再搗千餘下輒硬得中丸如梧桐子大硃砂為衣每服六十九童便人乳各

一酒鍾空心送下安睡一時

方歌陰陽二氣丹脫疽腎水枯乾燥熱欺天麥元參甘瀉味中

白米礬藥黛宜

清神散

綠豆粉 二兩

牛黃 三分

甘草節 五錢

冰片 五分

硃砂 三錢

右共為極細末每服一錢淡竹葉燈心煎湯調服

方歌清神散治脫疽發悶亂心煩調服佳豆粉牛黃甘草節研

加冰片共硃砂

金液戊土丹

茯神

胡黃連

烏梅肉

人中黃

五味子 各一兩

硃砂

雄黃

消石

遠志

去心

石菖蒲 各三錢

牛黃

冰片 各一錢

各研細末共和一處再研千轉於端午七夕或春秋二分
 冬夏二至吉辰在淨室中先將烏梅肉搗膏和入藥末內
 加煉蜜少許搗千餘下軟硬得中為丸每九重一錢金鉞
 為衣每服一丸人乳童便各一酒鍾隨病上下化服修和
 之時服藥之際忌婦人僧尼孝服雞犬等見之此藥用蠟
 封固收藏不洩藥味愈久愈效

方歌 金液戊土茯苓黃硃雄消遠片石菖胡連梅肉中黃味崑

治脫疽發背瘡

雌雄霹靂火

雌黃

雄黃

丁香 各二錢

麝香 一分

右為細末用蘄艾茸二錢將藥末搓入艾內作豌豆大丸
安患上灸之毋論癢痛以肉焦為度如毒已經走散就紅
暈盡處排炷灸之痛則至癢癢則至痛以瘡紅活為妙

方歌 霹靂火治陰疽方脫疽不疼灸更强雌黃丁香麝雄黃末蘄

艾茸搓藥末良

蟾酥餅

即蟾酥丸作餅見疔瘡門

離宮錠

見腫瘍門

陀僧膏

生肌玉紅膏

俱見潰瘍門

敦疽圖



敦疽生足指色紅十指同

敦疽

敦疽多生足指疼腫色紅活出血膿血燥精竭無敗色膏梁房勞脾腎經

註

此證多生於足指而手指亦間有生者由膏梁太過則損脾房勞太過則傷腎脾既損則血生少腎既傷則精必竭更兼濕熱壅盛而成初起黃粟小炮痛如湯潑火燃其色紅活腫無黑暈潰破有膿腐無敗色此屬血脈未死之候然此證雖無敗色亦由臟腑發出未可視爲小毒也法宜急服滋陰救燥補血理脾之藥初服解毒濟生湯六味地黃湯潰服人參養榮湯桂附地黃湯外初宜蝌蚪拔毒散

塗之將潰貼蟾酥餅兼貼巴膏潰腐之後換搽生肌玉紅膏生肌斂口初終禁用灸法患者宜清心寡慾調理庶免

變證

解毒濟生湯 見脫疽

六味地黃湯 見面部雀斑

桂附地黃湯 見面部頰瘍

人參養榮湯

巴膏

生肌玉紅膏 俱見潰瘍

蝌蚪拔毒散 見腫瘍門

蟾酥餅 即蟾酥丸作餅見疔瘡門

此藥之功效能拔毒生肌散血解毒無效者宜早服

甲 疽 圖



甲疽生足指甲旁勢由高突色紅指肉

甲疽

甲疽多因剔甲傷甲長浸肉破成瘡努肉高突痛難忍消癢化
努效非常

註

此證因割嵌指甲傷肉或剔甲傷肉或甲長侵肉穿窄小
靴鞋以致甲旁焮腫破爛時津黃水努肉高突疼痛難忍
不能著衣原係好肉受傷宜用鹽湯燙洗外敷華陀累效
散白膏藥蓋貼努肉消盡即愈

華陀累效散

乳香

硃砂 各一錢

輕粉 五分

橄欖核

三枚 燒存性

黃丹 一分

共研細末香油調敷

方歌華陀累效敷嵌甲黃丹輕粉乳礱砂橄欖核燒同碾細香
油調濃患處搽

白膏藥

見潰瘍門

足跟疽圖



足跟疽生足跟處紫腫形如兔咬左右

足跟疽

足跟疽生脚攀根狀如兔咬紫紅焮陽躄積熱潰難斂初宜隔蒜艾灸勤

註

此證生足跟俗名脚攀根由臟腑積熱汗出涉水遠行傷筋而成初腫紅紫疼痛潰破膿水淋瀝狀如兔咬經云兔齧狀如赤豆至骨急治遲則害人蓋謂毒之深惡也屬足太陽膀胱經穴名申脈卽陽躄脈發源之所又係腎經所過之路瘡口久潰不合陽躄脈氣不能冲發腎氣由此漏洩以致患者益虛初起宜隔蒜片灸之服仙方活命飲加肉桂牛膝潰後宜補中益氣湯人參養榮湯桂附地黃丸

隨證滋補治之餘按癰疽潰瘍門海藏云免齧久不收斂
用鹽湯洗之白朮研末撒之兩日一易謹戒一切勞碌卽

效

隔蒜灸法 見首卷灸法

仙方活命飲 見腫瘍門

補中益氣湯

人參養榮湯 俱見潰瘍門

桂附地黃丸 見面部頰瘍

厲 癰 圖



厲癰生足跗兩旁小如粟莖左右同

四 淫 圖



四淫足跗之前上下其大如癰左右同

源雖去五根四...

厲癰 四淫

厲癰勢小足旁生四淫在足上下凝三陰虧損為疽重三陽濕熱發癰輕

註

靈樞云發於足上下名曰四淫其狀大癰急治之百日死發於足旁名曰厲癰其狀不大急治之去其黑者不消輒益不治百日死此二證俱由足三陰經虧損為疽者重若兼足三陽經濕熱下注而成癰者輕若紅腫疼痛潰破有膿腐脫無黑氣浸漫屬濕熱偏盛順證易治若微紅微腫潰出膿水屬陰氣凝結不能化膿險證難治若黑暗漫腫痛不潰膿煩熱作渴小水淋漓為陰敗惡證屬逆四淫無

邊沿厲癰類敦疽初俱宜仙方活命飲外宜隔蒜灸以宣
壅毒將潰宜服人參養榮湯兼六味地黃丸以滋補之若
色黯不痛即用桑柴烘法以行壅滯助陽氣更宜十全大
補湯兼桂附地黃丸壯脾滋水治之或可成功若妄用苦
寒剋伐之藥多致不救外治法同敦疽

仙方活命飲

見腫
瘍門

隔蒜灸法

見首卷
灸法

人參養榮湯

十全大補湯

俱見潰
瘍門

六味地黃丸

見面部
雀斑

桑柴烘法

見首
卷

桂附地黃丸

見面部
頰癢

四卷五以十不發三創神財錄重三則

臭田螺圖



臭田螺生脚了起白腫大如粟粒者同

臭田螺

臭田螺瘡最纏綿脚丫搔癢起白斑搓破皮爛腥水臭治宜清熱滲濕痊

註

此證由胃經濕熱下注而生脚丫破爛其患甚小其癢搓之不能解必搓至皮爛津腥臭水覺疼時其癢方止次日仍癢經年不愈極其纏綿法宜甘草薏苡仁煎湯洗之嚼細茶葉塗之乾則黃連膏潤之破爛甚者宜用鷺掌皮煨存性研末香油調敷甚效

黃連膏

見鼻部
鼻瘡

牛程躔圖



牛程躔生脚底板起硬塊色黃不能着地左右肩

牛程躓

牛程躓因奔走急脚熱着水寒風襲氣滯血凝起硬硬法宜鴿糞滾湯漬

註

此證生於足跟及足掌皮內頑硬腫起高埂色黃疼痛不能行履由脚熱着冷水或遇寒風襲於血脈令氣滯血凝而成法宜用盆一箇內安新磚磚上安鴿糞糞上合罩篋以脚踏罩篋上次以滾水從旁沖入蒸之浸漬之冷則易之或用新磚燒紅韭菜汁潑之將病足踏於其上燙之早治或有消者久則破裂膿水津流每日米泔水淨洗搽牛角散四圍頑肉浮起剪之換搽生肌玉紅膏月白珍珠散

生肌斂口自愈

牛角散

松香

輕粉

水龍骨

即舊船底油石灰

牛角尖

燒灰

共為末牛骨髓調搽

方歌

牛角散治牛程躉久破膿水流不痊松香輕粉水龍骨牛

角燒灰須用尖

生肌玉紅膏

月白珍珠散

俱見潰瘍門

土 栗 圖

土栗生足跟旁初如瘰癧色黃腫如琉璃左右同



三

土栗

土栗生在足跟旁腫若琉璃亮色黃行路崎嶇傷筋骨急服仙方合五香

註

此證又名琉璃疽生在足跟之旁形如棗栗亮而色黃腫若琉璃由行崎嶇之路勞傷筋骨血脈而成急服五香湯及仙方活命飲宜通壅滯膿熟鍼之膿少而多水者以陀僧膏貼之餘按癰疽潰瘍治法

五香湯

乳香

藿香

丁香

沉香

青木香

各三錢半

水二鍾煎八分服之

方歌五香湯善治土栗行路勞傷血脈積乳藿丁沉香木香煎

服舒壅功效極

仙方活命飲 見腫瘍門

陀僧膏 見潰瘍門

此藥乃心虛肉痛止痛以別之使汝成藥藥黃面黃黃面

式合

土栗

土栗

冷

疔

圖

冷疔疔足跟底形如粟粟起紫自脫若同



冷疔

冷疔濕寒足跟生疼痛徹骨紫皸形黑爛深孔流血水氣穢神

燈照法靈

註

此證生在足跟由濕寒凝結而成形如棗栗起紫白皸疼

痛徹骨漸生黑氣腐爛孔深時流血水氣穢經久不斂者

宜神燈照法照之鐵粉散敷之初服內補十宣散次按瀆

瘍治同

鐵粉散

生鐵粉

即鐵砂如無用黑鉛四兩鐵杓化開傾水中冷定取出再化再傾以鉛化盡為度去水取末三錢

黃丹飛

輕粉

松香 各一錢

麝香 一分

各研細末共和一處再研勻將患處以葱湯洗去血水腐
臭香油調藥擦於患上油紙蓋之

方歌 鐵粉散醫足冷疔能蝕黑腐肌肉生黃丹輕粉松香麝香

油調搽紙蓋靈

神燈照法 見首卷

內補十宣散 見胸部
癩癰

脚

氣

瘡

圖



脚氣瘡生膝之下足之上腿胫腫出黃水結黃痂左右同

生各... 不... 一... 再... 戶... 林... 患... 以... 瘡... 甚... 於... 大... 血... 平... 與...

散... 香... 一... 人... 經... 粉... 松... 香... 各... 一... 散...

脚氣瘡

脚氣瘡在足膝生濕熱相搏風氣乘壯熱腫痛津黃水心煩
躁犀角靈

註

此證生於足膝由濕熱內搏滯於膚腠外為風乘不得宣
通故令脚膝生瘡癢痛作腫破津黃水形類黃水瘡惟身
體壯熱心神煩躁經久難瘥宜服犀角散外以漏蘆湯洗
之兼敷龍骨散甚效

犀角散

犀角屑

天麻

黃耆

枳殼

麩炒

白鮮皮

黃芩

防風

羌活丸

白蒺藜 各七錢五分

檳榔 一兩

烏梢蛇 二兩 酒浸

甘草 五錢 炙

右研細末每服八錢水一鍾半生薑五片煎一鍾去渣不
拘時温服

方歌犀角散醫脚氣瘡天麻耆枳白鮮榔烏蛇苓草風羌活蒺

藜粗末引加薑

漏蘆湯

漏蘆

甘草 生 槐白皮

五加皮

白欽 各一兩五錢

白蒺藜 四兩

共為粗末每用五兩水八盃煎五盃去渣淋洗

方歌 漏蘆湯甘槐白皮五加白斂白蒺藜脚氣瘡疼癢津水熬

湯洗患散濕急

龍骨散

白龍骨

研

輕粉 各二錢五分

檳榔 一錢

研

積豬糞

新瓦上焙乾再入火中燒之存性取出研末五錢

共研勻先以口含壘水或溫鹽湯洗令瘡淨見肉却用香

油調藥隨瘡大小敷之未愈再敷

方歌 龍骨散能去濕腐脚氣瘡敷自然無輕柳豬糞香油入久

遠惡瘡用亦除

田螺炮圖



田螺施生足掌起如豆粒黃炮左右同

田螺炮

田螺炮在足掌生裏濕外寒蒸鬱成豆粒黃炮悶脹硬破津臭水腫爛疼

註

此證多生足掌而手掌罕見由脾經濕熱下注外寒閉塞或因熱體涉水濕冷之氣蒸鬱而成初生形如豆粒黃炮悶脹硬疼不能着地連生數炮皮厚難於自破傳度三五成片濕爛甚則足跗俱腫寒熱往來法宜苦參菖蒲野艾熬湯熱洗次用線鍼將炮挑破放出臭水加味太乙膏貼之又將炮皮剪去宜用石膏輕粉等分研末撒之仍以加味太乙膏蓋貼內服解毒瀉脾湯更有經年不愈者係下

部濕寒以金匱腎氣丸常服甚效

解毒瀉脾湯

石膏

煨

牛蒡子

炒研

防風

黃芩

蒼木

炒

甘草

生

木通

山梔

各一錢
生研

水二鍾燈心二十根煎八分服之

方歌解毒瀉脾芩蒡子風膏蒼木草通梔田螺炮起宜煎服清

熱疎風又去濕

加味太乙膏

見清
瘍門

金匱腎氣丸

牛膝各一兩見面部頰瘍
黃芩加車前子

肉刺

肉刺證由纏脚生或着窄鞋遠路行步履艱難疼痛甚玉簪根搗貼塗靈

註

此證生在脚指形如雞眼故俗名雞眼根陷肉裏頂起硬凸疼痛步履不得或因纏脚或着窄鞋遠行皆可生之法宜貼加味太乙膏滋潤之或用紫玉簪花根搗爛貼塗以油紙蓋之又地骨皮紅花等分研細香油調敷俱效

加味太乙膏

見潰瘍門

此類之...

...

...

...

...

謝湖...

肉...

肉...

御纂醫宗金鑑卷七十二

編輯外科心法要訣目錄

發無定處上

疥瘡

流注

癭瘤

多骨疽

結核

癩發

癩疽

行身原宗公金

烏白癩

烏白癩

烏白癩

烏白癩

烏白癩

烏白癩

烏白癩

烏白癩

烏白癩

烏白癩

御纂醫宗金鑑卷七十二

編輯外科心法要訣

疔 瘡 圖



黑癩疔多生耳竅
牙縫胸腰

黃鼓疔多生顙骨已角

紫燕疔多生筋骨之間

火焰疔多生唇指

白刃疔多生鼻孔

紅絲疔

發無定處

疔瘡

五藏皆可發疔瘡現於形體細考詳若論陰陽分上下欲知經藏辨何方

疔名火焰發心經往往生於脣指中心作煩時神恍惚痛兼麻癢炮黃紅

毒發肝經名紫燕此患多於筋骨見破流血水爛串筋指青舌強神昏亂

黃鼓由於脾發毒多生口角與顴骨炮黃光潤紅色纏麻癢硬疆兼嘔吐

毒發肺經名白刃白炮頂硬根突峻易腐易陷多損腮咳吐痰涎氣急甚

從來黑屬發腎經黑斑紫炮硬如釘爲毒極甚疼牽骨驚悸沉昏日露睛

以上五疔應五藏又有紅絲疔一樣初如小瘡漸發紅最忌紅絲攻心上

凡治疔證貴乎早三陰三陽更宜曉在下宜灸上宜鍼速醫卽愈緩難保

註

此數證俱名曰疔蓋疔者如丁釘之狀其形小其根深隨處可生由恣食厚味或中蛇蠱之毒或中疫死牛馬豬羊

之毒或受四時不正疫氣致生是證夫疔瘡者乃火證也
 迅速之病有朝發夕死隨發隨死三五日不死一月半月
 亦必死此係藏府之乖逆性情之激變節候之寒溫肅殺
 且毒中有淺深也若一時失治立判存亡有名為火焰疔
 者多生於脣口及手掌指節間初生一點紅黃小炮痛癢
 麻木甚則寒熱交作煩躁舌強言語疎忽此屬心經毒火
 而成也有名為紫燕疔者多生於手足腰肋筋骨之間初
 生便作紫炮次日破流血水三日後串筋爛骨甚則目紅
 甲青邪視神昏睡語驚惕此屬肝經毒火而成也有名為
 黃鼓疔者初生黃炮光亮明潤四畔紅色纏繞多生口角

腮顴眼胞上下及太陽正面之處發時便作麻癢重則惡
心嘔吐肢體木痛寒熱交作煩渴乾嘔此屬脾經毒火而
成也有名爲白刃疔者初生白皰頂硬根突破流脂水癢
痛兼作多生鼻孔兩手易腐易陷重則腮損咽焦欬吐痰
涎鼻掀氣急此屬肺經毒火而成也有名爲黑醫疔者多
生耳竅牙縫胸腹腰腎偏僻之處初生黑斑紫皰毒串皮
膚漸攻肌肉頑硬如丁痛徹骨髓重則手足青紫驚悸沉
困輒陷孔深目睛透露此屬腎經毒火而成也以上五疔
本於五藏而生又有紅絲疔發於手掌及骨節間初起形
似小瘡漸發紅絲上攻手膊令人寒熱往來甚則惡心嘔

吐治遲者紅絲攻心常能壞人又有暗疔未發而腋下先
堅腫無頭次腫陰囊畢丸突兀如筋頭令人寒熱拘急焮
熱疼痛又有內疔先發寒熱腹痛數日間忽然腫起一塊
如積者是也又有羊毛疔身發寒熱狀類傷寒但前心後
心有紅點又如疹形視其斑點色紫黑者爲老色淡紅者
爲嫩以上諸證初起俱宜服蟾酥丸汗之毒勢不盡憎寒
壯熱仍作者宜服五味消毒飲汗之如發熱口渴便閉脈
沉實者邪在裏也宜服黃連解毒湯加生大黃一錢五分
葱頭五個清之凡證輕者宜服化疔內消散若疔毒將欲
走黃急服疔毒復生湯已走黃者令人心煩昏愊急用七

星劍湯以救之若手足冷六脈暴絕者係毒氣閉塞元氣不能宣通先宜蟾酥丸隨服木香流氣飲行氣其脈自見若疔毒誤炙煩躁譫語者乃逼毒內攻也宜服解毒大青湯若潰後餘毒未盡五心煩熱者宜服人參清神湯鍼後出膿之時氣虛驚悸者宜服內托安神散若攻利太過以致發渴六脈虛大者宜服補中益氣湯若發汗之後汗不止熱不退瘡不疼便不利者此屬裏虛宜服八珍湯加黃耆麥冬治之凡疔潰後不宜補早雖見真虛只可平補忌用溫補之藥外治用藥鍼灸亦當循其次第書云疔瘡先刺血內毒宜汗瀉禁灸不禁鍼怕絲不怕鍼初覺貴乎早

治十證十全稍遲者十全五六失治者十壞八九初發頂
 以上者三陽受毒必用鉞鍼刺入瘡心四五分挑斷疔根
 令出惡血隨用立馬回疔丹或蟾酥條插入孔內外以巴
 膏蓋之如項以下生者三陰受毒即當艾灸以殺其勢灸
 之不痛亦須鉞刺出血插蟾酥條旁腫以離宮錠塗之如
 旁腫頑硬推之不動用鉞亂刺頑硬之處令多出惡血否
 則必至走黃挑法先用鉞幹將毒頂焦皮刮開鉞入疔根
 堅硬如鉞者為順若鉞刺入綵輒如瓜穰而不知痛者為
 逆百無一生凡挑疔根先出紫黑血再挑刺至鮮血出以
 知痛為止隨填拔疔散令滿以萬應膏蓋之過三四時撥

去舊藥易以新藥若藥乾無水不痛者此挑法未斷疔根也再深挑之必以上藥知痛藥入水流爲率三四日後瘡頂乾燥以琥珀膏貼之令疔根托出換九一丹撒之黃連膏抹之外蓋白膏藥生肌斂口若初起失治或房勞夢遺損氣以致毒氣內攻走黃不住者其瘡必塌陷急當隨走黃處按經找尋有一芒刺直豎卽是疔苗急當用鐵鍼刺出惡血卽在刺處用艾壯灸三壯以宣餘毒若身面漫腫神昏悶亂乾嘔心煩作渴遍身起炮抽痛者俱爲逆證惟紅絲疔於初起時急用磁鍼於紅絲盡處砭斷出血尋至初起瘡上挑破卽用蟾酥條插入萬應膏蓋之隨服黃連

解毒湯再暗內二疔不用挑法先以蟾酥丸含化令盡以
 冷水漱去毒涎再用三九嚼葱白三寸裹藥黃酒送下蓋
 臥出汗少時無汗再飲熱酒催之仍無汗係毒熱滯結急
 用霹靂火法令汗出毒熱隨之而解次用雙解貴金丸下
 之自效若暗內二疔初起牙關緊急者用蟾酥丸三五粒
 葱頭煎湯研化灌之俟稍甦治法如前至羊毛疔先將紫
 黑斑點用衣鍼挑出如羊毛狀前後心共挑數處用黑豆
 蕎麥研粉塗之卽時汗出而愈一法用明雄黃末二錢青
 布包紫蘇熱燒酒於前心擦之自外圈入內其毛卽奔至
 後心再於後心擦之其羊毛俱拔出於布上埋之忌茶水

一日再諸疔部位形色亦有急緩生於頭項胸背者最急
生於手足骨節之間者稍緩一疔之外別生一小瘡名曰
應候四圍赤腫而不散漫者名曰護場四旁多生小瘡者
名曰滿天星有此者緩無此者急疔證初起至四五日間
由白色而至青紫色疔頭潰膿形似蜂窩內無七惡等證
者爲順若初起似疔非疔灰色頂陷如魚臍如蠶斑青紫
黑炮軟陷無膿內見七惡等證者逆凡疔毒俱由火毒而
生忌服辛熱之藥恐反助其邪也忌敷寒涼之藥恐逼毒
攻裏也再膏藥不宜早貼惟在將潰已潰時貼之呼膿長
肉以避風寒初潰時忌用生肌藥恐毒未除反增潰爛生

不集醫宗全錄 卷七十一
項以上者屬三陽經不宜灸若火日生疔亦禁灸犯之或
為倒陷或至走黃俱忌椒酒雞魚海味鶩肉豬首辛辣生
冷等物氣怒房勞諸香並孝服經婦僧道雞犬等項犯之
必致反覆慎之

蟾酥丸

蟾酥

二錢
酒化

輕粉

銅錄

枯礬

寒水石

煨

膽礬

乳香

沒藥

麝香

各一錢

硃砂

三錢

雄黃

二錢

蝸牛

二十一箇

以上各為末稱準於端午日午時在淨室中先將蝸牛研

爛同蟾酥和研稠黏方八各藥共搗極勻丸如菘豆大每服三丸用葱白五寸令患者嚼爛吐於手心內男用左手女用右手將藥丸裹入葱泥內用無灰熱酒一茶鍾送下被蓋約人行五六里路病者出汗爲度甚者再用一服如外用之法搓條作餅隨證用之修合時忌婦人雞犬等見之

方歌蟾酥丸治諸疔毒初起惡瘡皆可逐外用化腐又消堅內服驅毒發汗速硃砂輕粉麝雄黃銅綠枯礬寒水入膽礬乳沒共蝸牛丸如綠豆葱酒服

五味消毒飲

名身學年金

金銀花 三錢

野菊花

蒲公英

紫花地丁

紫背天葵子

各一錢二分

水二鍾煎八分加無灰酒半鍾再滾二三沸時熱服渣如

法再煎服被蓋出汗為度

方歌五味消毒療諸疔銀花野菊蒲公英紫花地丁天葵子煎

加酒服發汗靈

化疔內消散

知母

貝母

去心研

穿山甲

炙研

蚤休

白及

乳香

天麻

天花粉

皂刺

金銀花

當歸

赤芍

甘草

各一錢

酒水各一鍾煎一鍾去渣量病上下服之

方歌 化疔內消知貝甲蚤休及乳草天花皂刺銀花歸芍酒疔

證毒輕服更嘉

疔毒復生湯

金銀花

梔子

生研

地骨皮

牛旁子

炒研

連翹

去心

木通

牡蠣

炒

生軍

皂刺

天花粉

沒藥

乳香

各八分

酒水各一鍾煎一鍾食遠服不能飲者只用水煎臨服入

酒一盃和服亦效

鹹實便秘者加朴消

方歌疔毒復生欲走黃頭面腫浮毒內傷銀梳骨勞翹通蠮軍

刺天花沒乳香

七星劍

蒼耳頭

野菊花

豨薟草

地丁香

半枝連

各三錢

蚤休 二錢

麻黃 一錢

用好酒一觔煎至一盃澄去渣熱服被蓋出汗為度

方歌七星劍嘔熱兼寒疔毒走黃昏憤添麻黃蒼耳菊豨薟地

丁香蠶半枝連

木香流氣飲

當歸

白芍

酒炒

川芎

紫蘼

桔梗

枳實

麩炒

烏藥

陳皮

半夏

製

白茯苓

黃耆

防風

青皮

各一錢

大腹皮

檳榔

枳殼

麩炒

澤瀉

甘草節

木香

各五分

生薑三片紅棗肉二枚水煎服

下部加牛膝

方歌木香流氣宣氣滯歸芍芎藭止枳實烏藥二陳者大腹風

椰青枳瀉煎之

解毒大青湯

大青葉

木通

麥門冬

去心

人中黃

梔子

生研

桔梗

元參

知母

升麻

淡竹葉

石膏

各一錢煨

木香水二鍾燈心二十根煎八分食遠服

大便秘加大黃

悶亂加燒人糞

方歌解毒大青通麥門中黃梔子桔元參知并竹葉石膏煨疔

瘡誤灸毒內侵

人參清神湯

人參

陳皮

白茯苓

地骨皮

麥門冬

去心

當歸

白朮

土炒

黃耆

遠志

各一錢
去心

柴胡

黃連

甘草

各五分
炙

水二鍾粳米一撮煎八分食遠服

方歌人參清神疔毒潰陳荅地骨麥冬歸朮耆柴遠黃連草益

氣除煩熱可推

內托安神散

人參

麥門冬 去心

茯神

黃耆

白木 土炒

元參

陳皮 各一錢

石菖蒲

甘草 炙

酸棗仁 炒研

遠志 去心

五味子 各五分 研

水二鍾煎八分臨服入硃砂末三分和勻食遠服

方歌內托安神多驚悸疔瘡鍼後元氣虛參麥茯菖耆朮草元

參棗遠味陳皮

立馬回疔丹

輕粉

蟾酥

酒化

白丁香

硃砂

各一錢

乳香

六分

雄黃

硃砂

麝香

各三分

蜈蚣

一條

金頂砒

五分
註末卷

共為細末麵糊搓如麥子大凡遇疔瘡以鍼挑破用一粒

插入孔內外以膏蓋追出膿血疔根為效

方歌立馬回疔輕蟾酥白丁香乳麝雄硃硃蜈蚣金頂砒研末疔

瘡用此根自除

九一丹

石膏

九錢

黃靈藥

一錢

共研極細撒於患處

方歌九一丹醫疔破後根除用此把膿搜煨石膏對黃靈藥清

熱生肌患自瘳

霹靂火

鷺卵石燒紅安鐵杓內杓安桶內以醋淬石令患者將患處
覆桶上厚衣密蓋勿令洩氣熱氣微再添紅石加醋淬之瘡
頭及腫處使熱氣熏蒸至汗出其毒減半

黃連解毒湯

見耳部
黑疔

補中益氣湯

八珍湯

巴膏

萬應膏

白膏藥

黃靈藥

方見潰瘍門

離宮錠

雙解貴金丸

俱見腫瘍門

拔疔散

見牙齒部牙疔

琥珀膏

見頭部髮際瘡

黃連膏

見鼻部鼻瘡

流注圖



流注發無定處漫腫不紅連墜三四處

流注

流注原有證數般濕痰瘀風汗後寒發無定處連腫漫潰近骨節治難痊此證本由脾胃弱留結肌肉骨筋間

註

此證名雖無殊其原各異蓋人之血氣每日週身流行自無停息或因濕痰或因瘀血或因風濕或因傷寒汗後餘毒或因慾後受寒稽留於肌肉之中致令氣血不行故名流注諸家書云流者流行注者住也發無定處隨在可生初發漫腫無頭皮色不變凝結日久微熱漸痛透紅一點方是膿熟卽宜用鍼開破若濕痰化成者膿色黏白瘀血化成者膿色金黃黏水風濕化成者膿色稀白如豆汁汗

後餘邪化成者膿色或黃或黑稀膿臭穢以上四證發在
 肉厚處可愈發在骨節及骨空處難痊淫慾受寒化成者
 膿色稀白而腥其水中有豬脂水油之狀此為敗漿膿也
 諸書雖有治法終成敗證初起濕痰所中者木香流氣飲
 導之產後瘀血所中者通經導滯湯通活之跌撲傷損瘀
 血所中者宜散瘀葛根湯逐之風濕所中者萬靈丹五積
 散加附子溫散之汗後餘邪發腫者人參敗毒散散之房
 慾後外寒侵襲者初宜服五積散加附子次服附子八物
 湯溫之又有室女嬌婦鬱怒傷肝思慮傷脾而成者宜服
 歸脾湯加香附青皮散之此皆流注初起將成之法一服

至三四服皆可外俱用烏龍膏或冲和膏敷貼皮肉不熱者雷火神鍼鍼之輕者即消重者其勢必潰將潰時俱宜服托裏透膿湯已潰俱服人參養榮湯久潰膿水清稀飲食減少不能生肌收斂者俱宜服調中大成湯久潰膿水清稀精神怯少漸成漏證者俱宜服先天大造丸潰後其餘治法俱按癰疽潰瘍門參考

通經導滯湯

當歸

熟地

赤芍

川芎

枳殼

紫蘊

香附

陳皮

丹皮

從身醫宗金鑑卷七十一

紅花

牛膝 各一錢

獨活

甘草

節 各五分

水二鍾煎八分入酒一杯食前服

方歌

通經導滯產後疾敗血流瘀腫痛積四物枳蘓香附陳丹

皮獨草紅花膠

散瘀葛根湯

葛根

川芎

半夏

製

桔梗

防風

羌活

升麻

各八分

細辛

甘草

生

香附

紅花

蘓葉

白芷 各六分

水二鍾葱三根薑三片煎八分不拘時服

方歌散瘀葛根瘀血凝皆因跌撲流注成芎半枳風羌細草香

附紅花蘓芷升

附子八物湯

附子 製

人參

白朮 土炒

白茯苓

當歸

熟地

川芎

白芍 各一錢 酒炒

木香

肉桂

甘草 各五分 炙

水二鍾薑三片紅棗肉一枚煎八分食遠服

歌方附子八物醫流注房慾傷陰外寒入木香肉桂八珍湯薑

棗水煎食遠服

調中大成湯

人參 二錢

白朮 土炒

白茯苓

黃耆

山藥 炒

丹皮 土炒

當歸身

白芍 酒炒

陳皮 各一錢

肉桂 各八分

遠志 去心

藿香

縮砂仁

甘草 各五分

水二鍾煨薑三片紅棗肉二枚煎八分食遠服

歌方調中大成四君耆山藥丹皮歸芍宜遠藿縮砂陳桂附能

醫流注潰膿稀

木香流氣飲 見疔瘡門

萬靈丹

烏龍膏

冲和膏 俱見腫瘍

五積散 見內癰部腎癰

人參敗毒散 即荆防敗毒散減去荆防見項部腦疽

歸脾湯 見乳部乳中結核

雷火神鍼 見股部附骨疽

托裏透膿湯 見頭部侵腦疽


人參養榮湯 見潰瘍門

先天大造丸 見腎部鶴口疽

瘰

瘤

圖



瘰形蒂細下垂

瘤形根大頂圓高峻

癭瘤

五癭屬陽大瘤陰癭別血氣肉石筋瘤氣血肉脂筋骨惟脂開潰不傷身癭蒂細小紅不緊瘤根漫大亮白新證由內外嵐水氣療治須當戒怒嗔

註

癭瘤二證發于皮膚血肉筋骨之處癭者如纓絡之狀瘤者隨氣留住故有是名也多外因六邪榮衛氣血凝鬱內因七情憂恚怒氣濕痰瘀滯山嵐水氣而成皆不痛癢癭證屬陽色紅而高突皮寬不急蒂小而下垂瘤證屬陰色白而漫腫皮嫩而光亮頂小而根大癭有五種肉色不變者爲肉癭其筋脈現露者名筋癭若赤脈交絡者名血癭

隨喜怒消長者名氣癭堅硬推之不移者名石癭五癭皆
 不可破破則膿血崩潰多致傷生瘤有六種堅硬紫色纍
 纍青筋盤曲若蚯蚓狀者名筋瘤又名石瘤微紫微紅軟
 硬間雜皮膚中隱隱若紅絲糾纏時時牽痛誤有觸破而
 血流不止者名血瘤或軟如綿或硬如饅皮色如常不緊
 不寬始終只似覆肝名肉瘤軟而不堅皮色如常隨喜怒
 消長無寒無熱者名氣瘤日久化膿流出又名膿瘤也形
 色紫黑堅硬如石疔瘡疊起推之不移昂昂堅貼於骨者
 正名骨瘤軟而不硬皮色淡紅者名脂瘤即粉瘤也六瘤之
 形色如此凡癭多生於肩項兩頤瘤則隨處有之夫肝統

筋怒氣動肝則火盛血燥致生筋癭筋瘤宜清肝解鬱養
血舒筋清肝蘆薈丸主之心主血暴戾太甚則火旺逼血
沸騰復被外邪所搏致生血癭血瘤宜養血涼血抑火滋
陰安斂心神調和血脈芩連二母丸主之脾主肌肉鬱結
傷脾肌肉澆薄土氣不行逆於肉裏致生肉癭肉瘤宜理
脾寬中疏通戊土開鬱行痰調理飲食加味歸脾丸主之
肺主氣勞傷元氣腠裏不密外寒搏之致生氣癭氣瘤宜
清肺氣調經衄理勞傷和榮衛通氣散堅丸主之腎主骨
恣慾傷腎腎火鬱遏骨無榮養致生石癭骨瘤石癭海藻
玉壺湯主之骨瘤尤宜補腎散堅行痰利竅調元腎氣丸

主之癭瘤諸證用藥緩緩消磨自然縮小若久而膿血崩潰滲漏不已者皆爲逆證不可輕用刀鍼決破以致出血不止立見危殆惟粉瘤可破其色粉紅多生耳項前後亦有生於下體者全係痰凝氣結而成治宜鈹鍼破去脂粉以白降丹搥子插入數次將內膜化淨用生肌玉紅膏貼之自愈又有一種黑砂瘤多生臀腿腫突大小不一以手攝起內有黑色卽是亦用鍼刺出黑砂有聲輒硬不一又有髮瘤多生耳後髮下寸許輒小高突按之不痛亦用鍼刺之粉髮齊出又有虱瘤發後其癢徹骨開破出虱無數內有極大一虱出其虱方盡黑砂髮虱三瘤外治皆同粉

瘤之法其口方收又有蟲瘤每生脇下治法當按癰疽腫
瘍潰瘍門但本憂思化成每難獲效諸證形狀各異皆五
臟濕熱邪火濁瘀各有所感而成總非正氣之所化也

清肝蘆薈丸

當歸

生地

酒浸搗膏

白芍

酒炒

川芎

各二兩

黃連

青皮

海粉

牙皂

甘草節

昆布

酒洗

蘆薈

各五錢

右為細末神麴糊丸如梧桐子大每服八十九白滾水量
病上下食前後服之

方清肝蘆薈怒傷肝筋結瘰癧血燥原四物黃連青海粉牙
歌
皂甘昆麩糊丸

芩連二母丸

黃芩

黃連

知母

貝母

去心

當歸

白芍

酒炒

羚羊角

鎊

生地

熟地

蒲黃

地骨皮

川芎

各一兩

甘草

生 五錢

右為末側栢葉煎湯打寒食麩糊為丸如梧桐子大每服
七十九燈心煎湯送下

方歌
苓連二母血瘤瘰血沸寒凝微紫紅歸芍羚羊生熟地蒲

黃地骨草川芎

加味歸脾丸

香附

人參

酸棗仁炒

遠志

去心

當歸

黃耆

烏藥

陳皮

茯神

白朮

土炒

貝母

各一兩
去心

木香

甘草

各三錢
炙

右為細末合歡樹根皮四兩煎湯煮老米糊為丸如梧桐子大每服六十九食遠白滾水送下

方歌加味歸脾香附參棗遠歸耆烏藥陳茯神木草木香貝消

瘦除痞脾鬱伸 樹界史國兩頂影慈慈米附益武吹酥酥

通氣散堅丸

人參

桔梗

川芎

當歸

花粉

黃芩

枳實

陳皮

半夏

白茯苓

膽星

貝母

海藻

香附

石菖蒲

甘草

生各一兩

右為細末荷葉煎湯為丸如豌豆大每服一錢食遠燈心

生薑煎湯送下

方歌通氣散堅氣瘦瘤參桔芎歸花粉投芩枳二陳星貝藻香

附石菖患漸瘳

海藻玉壺湯

海藻

洗

陳皮

貝母

去心

連翹

去心

昆布

半夏

製

青皮

獨活

川芎

當歸

甘草

各一錢

海帶

五分

水二鍾煎八分量病上下食前後服之

方歌海藻玉壺湯石瘦陳貝連翹昆半青獨活芎歸甘海帶化

硬消堅最有靈

調元腎氣丸

生地 四兩 酒煮搗膏

山萸肉

山藥 炒

丹皮

白茯苓 各二兩

澤瀉

麥冬 去心搗膏

人參

當歸身

龍骨 煨

地骨皮 各一兩

知母 童便炒

黃蘗 各五錢 鹽水炒

縮砂仁 炒

木香 各三錢

共研細末鹿角膠四兩老酒化稠加蜂蜜四兩同煎滴水

成珠和藥為丸如梧桐子大每服八十九空心溫酒送下

忌蘿葡火酒房事


方歌調元腎氣縮砂仁六味地黃知麥參歸藥木香龍地骨骨

瘤服此又滋陰


白降丹

生肌玉龍膏

俱見潰瘍門



多骨疽圖



多骨疽發在眼角腮齒手處腿脛等處

行身學... 卷之...

三

多骨疽

多骨疽由腎虛源瘡久腫潰復受寒落草患此胎元結名爲骨

脹治一般

註

此證一名剩骨一名朽骨無論老少皆有生者多在腮脰

牙床眼胞頰下手足腿膊等處有因腎虛之人生瘡久潰

腫硬不退口不收斂外被寒邪襲入與膿毒凝結借人之

氣血化成多骨者又有初生落草身肉之中按之有如脆

骨由胎元受之精血交錯而致迨其人長大後必於脆骨

所生之處突然發腫生疽及潰破後多骨脫出其口方收

有多骨出之不休者名曰骨脹難愈以上二因治法皆同

俱宜隔附子餅艾炙以宣寒凝令骨速脫蓋骨屬腎遇寒則凝故從熱治也若朽骨內含或出臭膿或出涎泡宜撒黃靈藥陀僧膏蓋貼令朽骨出盡其口始易斂也腎虛微寒者服六味地黃丸虛而寒甚者桂附地黃丸常服可愈由胎元結成者稟賦身虛不可強取多骨候自破則取之

附子餅灸治

見首卷灸法

黃靈藥

陀僧膏

俱見潰瘍門

六味地黃丸


見面部雀斑

桂附地黃丸

見面部癩瘍

結 核 圖

猪核生在皮裏肉外形如果核



結核

結核卽同果核形皮裏膜外結凝成或由風火氣鬱致或因怒
火濕痰生

註

此證生於皮裏膜外結如果核堅而不痛由風火氣鬱結
聚而生初發令人寒熱往來有表證者荆防敗毒散解之
表既解卽服連翹消毒飲若濕痰氣鬱凝結者宜行氣化
痰以五香流氣飲千金指迷丸辛涼之藥治之其核自消
若誤投苦寒之劑必至潰破或服之而反甚者其勢將潰
不可強消以耗其氣宜用透膿散潰而不愈者屬氣虛宜
用補中益氣湯平補之外治按癰疽腫瘍潰瘍門

千金指迷丸

半夏四兩製

風化消三錢

白茯苓

枳殼各三兩
麩炒

共研為末河水煮糊為丸如梧桐子大每服二錢白滾水

送下

方歌千金指迷丸半夏茯苓枳殼消同研河水煮糊作成丸消

堅去核結痰化

荆防敗毒散見頂部
腦疽

連翹消毒飲見背部
酒毒發

五香流氣飲見脛部
黃

透膿散見腫
瘍門

補中益氣湯見潰
瘍門

癩發圖



癩發多生在伸縮動處漫腫淡紅

白芥芥

其效甚速

痼發

痼發皆由外感生伸縮動處每成形漫腫無頭寒熱作四肢沉重渴煩增

註

此證體虛之人感受天地不正之厲氣而生非由內作也

多生於手足掌心或腰腿臂下伸縮動處疼如痛風而兼

漫腫無頭其色淡紅增寒發熱四肢沉重煩渴初起宜服

萬靈丹發汗解表腫仍不消必欲作膿者宜托裏消毒散

兼琥珀蠟礬丸間服已潰者按癰疽潰瘍門治法

萬靈丹

托裏消毒散


琥珀蠟礬丸

俱見腫瘍門

癩

疽

圖



癩疽初起紅點次腫如梅李色黑

癩疽初起紅點次腫如梅李色黑

癩疽

癩疽本由烟瘡起小如粟豆大梅李初發紅點次變黑腐爛筋骨疼無已

註

此證一名蛇瘡川廣烟瘡地面有之初起紅點次變黑色其形小者如粟豆大者如梅李隨處可生疼痛應心不止腐爛筋骨潰破膿如豆汁今日拭淨次日膿汁復滿愈而復發初起宜貼蟾酥餅寒熱交作宜服黍米寸金丹或奪命丹亦可紅腫遊走不定者離宮錠塗之兼神燈照熏照之破後脾虛食少作嘔者補中益氣湯加黃連麥冬補而不應或出稀水穢汁者逆

蟾酥餅 見并

黍米寸金丹

離宮錠 俱見腫

奪命丹 見背部陰

補中益氣湯 見清

神燈照法 見首

骨蒸藥

煎藥本由歐欒豨小坡粟豆大蘇李厚絲珠燕火變無

煎藥

烏 白 癩 圖



白癩發在遍身皮毛白癩上起若癩疹

烏癩發在遍身皮毛變黑上起若癩疹

烏白癩

烏白癩由中惡風犯觸忌害亦能成麻癢徹骨刺不痛除風養血卽收功

註

此二證俱由惡風侵襲皮膚血分之間火鬱耗血及犯觸忌害而成有烏白二種烏者初覺皮毛變黑發若癩疹癢若蟲行手足頑麻鍼刺不痛目視物若垂絲心常驚而妄語凡飲食言語之時開口出氣而鳴宜服蝟皮丸外擦大黑神膏白癩皮色漸變白疵語聲嘶喎目視不明四肢頑疼身體大熱心常懊惱手脚緩縱背脊拘急肉如鍼刺鼻生息肉瞳生白沫宜服白花蛇散外擦蟹螯膏二證俱常

飲苦參酒白癩便秘者先宜服醉仙散次服通天再造散

利下惡物即效

蝟皮丸

蝟皮

燒存性

蚺蛇頭

燒存性

魁蛤

各一枚

紅娘子

去頭足翅

蟻螯

焙乾

蜜蟲

去頭足翅

水蛭

糯米炒熟

蜘蛛

焙

蟹螯

各三個
去頭足翅

桂心

大黃

黃連

龍骨

煨研

麝香

研

汞

即水銀

川椒

各五錢
炒

芒消

石膏

各一兩
煨

穿山甲

三片
炙

枯白礬

滑石

研水飛

甘遂 各二錢五分
與胡麻同炒以胡麻熟為度去麻用甘遂

蜈蚣 一條半
附子 二枚
泡去皮臍
巴豆 去皮膜心油

雷丸 各五十粒

右為細末煉蜜為丸如小豆大每服一丸滾白水送下空
心臨臥各一服如未覺每服加一丸如莖中痛即有蟲下
細觀形狀皆死矣痛多減一丸痛少服二丸以瘥為度此
藥乃攻毒取蟲之峻劑非灼知藏府有蟲毒及精神可勝
攻下者不可輕服

方歌
蝟皮膚黑成烏癩心驚視物若垂毫癢似蟲行手足痺紅
娘魁蛤汞礬螬蚘桂消黃蚘蛭甲黃連龍骨麝蚘膏川椒

滑附蜈巴豆雷九甘遂共蟹螯

大黑神膏

頭髮 雞子大一團 川芎

黃連

黃蘗

防已 去皮

川烏

升麻

藜蘆 各五錢

巴豆

杏仁 各十四粒

用豬脂油二觔將藥燂至頭髮化盡為度撈去渣再用雌

黃雄黃白礬鉛粉各五錢松脂一塊如雞子大同研末入

油內攪勻先以熱鹽湯洗淨患處次擦藥日三次勿令入

口

歌方 大黑神膏烏癩塗髮膏連藥已川烏雌雄巴豆礬松脂鉛
粉升麻杏藜蘆

白花蛇散

白花蛇 酒浸炙

槐子

天麻

枳殼 麩炒

蔓荆子

防風

羌活

威靈仙

白鮮皮

晚蠶蛾 各一兩 去頭足翅

甘草 五錢 炙

共研細末每服二錢溫酒調下不拘時日用二服

歌方 白花蛇散體多熱刺痛聲嘶白癩疔槐子天麻鮮枳蔓風

羌威草晚蠶蛾

盤蚤膏

盤蚤 十四枚

大蝮蛇 一條

頭尾全者晒乾

黃酒七盃同藥入瓶內用糠火煨酒至一盃濾去渣收貯
每用薄薄塗於患上

方歌

盤蚤膏搽白癩風蝮蛇黃酒入瓶中糠火煨酒取塗患以

毒攻惡癩自平

苦參酒

苦參酒

苦參 五觔

露蜂房 五兩

刺蝟皮 一具

共研粗末用水三斗煎湯至一斗去渣浸細麴五觔炊黍
米三斗拌如常醞法酒熟壓去糟每於食煎溫飲一小盞

方歌 苦參酒治烏白癩露蜂房與刺蝟皮煎湯浸麴炊黍米釀

酒飲之惡疾離

醉仙散

正風

藥神氣

五兩

味酸甘

一具

通天再造散

俱見大麻風

青艾浸漚白平

防風

黃酒汁盞同藥入瓶內用熟火煎至一盞盡去渣

用風蕪蕪全似患土

黃酒汁盞同藥入瓶內用熟火煎至一盞盡去渣

蟹螯

十四味

體多大

煎全

子天麻

蟹螯膏

御纂醫宗金鑑卷七十三

編輯外科心法要訣目錄

發無定處中

大麻風

楊梅瘡

楊梅結毒

赤白遊風

紫白癩風

白駁風

癩瘍風

丹毒

粟瘡作癢

枯筋箭

爛脚

爛脚

大脚

發惡

神水

醫宗金鑑卷六十三

御纂醫宗金鑑卷七十三

編輯外科心法要訣

大 麻 風 圖



大麻風發在遍身麻木次生白屑皮兼起紅斑鬚眉脫落

御纂醫宗金鑑 卷七十三 編輯外科心法要訣

大麻風

麻風總屬毒癘成其因有三五損風五死證見真惡候初病能守或可生

註

此證古名癘風癘風者有毒之風也經云岷風成爲癘又云癘者有營氣熱腐其氣不清故使其鼻柱壞而色敗皮膚瘍潰毒風客於脈而不去名曰癘風今人呼爲大麻風一因風土所生中國少有此證惟烟瘴地面多有之一因傳染或遇生麻風之人或父母夫妻家人遞相傳染或在

外不謹或糞坑房屋床鋪衣被不潔一因自不調攝洗浴乘涼希圖快意或露臥當風睡眠濕地毒風襲入血脈其

因名雖有三總屬天地癘氣感受不覺未經發泄積久而發徧身麻木次起白屑紅斑蔓延如癩形若蛇皮脫落成片始發之時自上而下者順自下而上者逆漸來可治頓發難醫風毒入裏化生爲蟲蝕五臟則形有五損肺受病先落眉毛肝受病而起紫炮腎受病脚底先穿脾受病徧身如癱心受病先損其目此爲險證又有五死證如麻木不仁者爲皮死割切不痛者爲肉死潰爛無膿者爲血死手足脫落者爲筋死鼻梁崩塌眼弦斷裂脣翻聲啞者爲骨死若五死見一卽爲敗惡不治之候也此證初覺卽服萬靈丹汗之次宜神應消風散追風散磨風丸次第服

之牙齦出血用黃連貫衆等分煎湯漱之外搽類聚祛風散兼用地骨皮荆芥苦參細辛各二兩河水煎湯浸浴熏洗若遇損敗之證在上部則服醉仙散在下部則服通天再造散若鼻梁塌壞用換肌散服之患者稍露虛象即以補氣瀉榮湯服之兼用何首烏酒飲之若能清心寡慾戒口早治或有可生若口味不能清淡色慾不能斷絕即愈後仍不免再發終於不救

神應消風散

全蝎

白芷

人參 各一兩

右為細末每用二錢勿食晚飯次日空心溫酒調服覺身

微躁為效

方歌神應消風散癘風身麻白屑起斑紅蠟芷人參各二兩空

心酒服麻木平

追風散

錦紋大黃

六兩

川鬱金

炒一兩八錢

皂角刺

一兩五錢

共研細末每用五錢加大風子油一錢五分朴消一錢五

更空心溫酒調服直待辰時又如前調藥加熟蜜少許服

之以蜜解口切不可臥良久痛瀉數次不妨以稀粥補之

如第一日服消風散第二日即服此藥第三日服磨風丸

周而復始又如此服之瘦弱者十日內追風散只用一服

老弱者勿服

方歌追風散用川鬱金皂刺大黃研末勻初服消風次用此風

油消酒調服神

磨風丸

豨薟草

牛蒡子炒

麻黃

蒼耳草

細辛

川芎

當歸

荆芥

蔓荊子

防風

車前子

威靈仙

天麻

何首烏

羌活

獨活各一兩

共為細末酒打麵糊為丸如梧桐子大每服六七十丸溫

酒送下日用二服

方歌磨風丸蒼莩麻黃蒼細芎歸荆蔓防車威天麻何羌獨追

風服後用此方

類聚祛風散

硫黃

寒水石

枯白礬

貫衆

各二兩

蛇床子

一兩

朴消

五錢

共研細末臘月豬脂搗爛調敷

方歌類聚祛風散硫黃寒水枯礬消蛇床貫衆細研豬脂搗

搽徧體癢風瘡

醉仙散

牛蒡子

炒

胡麻

枸杞子

蔓荆子

各一兩

苦參

白蒺藜

防風

花粉

各五錢

共研細末每服一錢加輕粉一分二釐研勻茶清調服晨
午晚各一服五七日後先於牙縫內出臭黃涎渾身疼悶
如醉然後利下膿血惡物臭氣病根乃去矣

方歌醉仙上部癘風重牛蒡胡麻栲蔓荆苦參蒺藜防花粉服

加輕粉用茶清

通天再造散

大黃 一兩

皂角刺 一兩五錢

鬱金 五錢

白牽牛 六錢

頭末半生半炒

共研細末每服二錢或三錢早晨面東醇酒調下當日利下惡物或膿或蟲為效

方歌通天再造治癘風敗證先從下部攻鬱金大黃牽牛刺晨

服酒調面向東

換肌散

烏梢蛇

白花蛇

蛭蚓

各一兩 去土

細辛

木鱉子

白芷

天麻

連差者

赤芍

蔓荊子

當歸

威靈仙

荆芥穗

甘菊花

不灰木

紫參

苦參

沙參

何首烏

石菖蒲

木賊

天門冬

去心

川芎

白蒺藜

甘草

炙

胡麻仁

蒼朮

米泔水浸炒

草烏

各三錢五分
湯泡去皮

共研細末每服五錢溫酒調下酒多更妙紫參不灰木雖

無亦可

方歌換肌散治大風瘡毒攻眉脫壞鼻梁烏稍白花蛇蚓細鱗

芷天麻芎蔓當威靈荆菊不灰木紫苦沙參何首菖木賊

天冬 芍藥 草胡 麻蒼木 草烏 強

補氣瀉榮湯

連翹

去心

升麻

各六分

桔梗

五分

黃芩

生地

各四分

黃連

蚯蚓

酒炒去土

當歸

黃耆

蘇木

全蠍

各三分

人參

白豆蔻

各二分

甘草

一分

水二鍾酒一鍾煎至一鍾去渣又用胡桐淚一分水蛭炒

蜜蟲各三箇炒麝香五釐桃仁三箇研泥共為細末入藥

湯內煎至七分飯後服之

歌方補氣瀉榮癘虛宜苓連參桔蚘歸蒼蘇地升蠟翹蔻草桐

淚蛭虫麝桃泥

何首烏酒

何首烏 四兩

當歸身

當歸尾

穿山甲 炙

生地黃

熟地黃

蝦蟆 各一兩

側柏葉

松鍼

五加皮

川烏 湯泡去皮

草烏 各四錢 湯泡去皮

將藥入夏布袋內紮口用黃酒二十觔同藥袋入罈內封

蘇葷固重湯煮三炷香埋罈七日開罈口取酒時時飲之令醺


醺然作汗避風

方何首烏酒大風疾歸甲松鍼生熟地側蠍五加川草烏酒


煎滋榮毒自息

萬雲丹

見腫瘍門



楊梅瘡圖



大雅堂藏書
御纂醫宗金鑑
卷七十三
楊梅瘡圖

楊梅瘡

楊梅瘡生有二般精化氣化是其源精化淫慾氣傳染氣宜發汗精下全

討此證一名廣瘡因其毒出自嶺南一名時瘡以時氣乖變邪氣湊襲之故一名棉花瘡因其纏綿不已也一名翻花楊梅因窠粒破爛肉反突於外如黃蠟色一名天泡瘡因其夾濕而生白皰也有形如赤豆嵌於肉內堅硬如鐵名楊梅痘有形如風疹作癢名楊梅疹先起紅暈後發斑點者名楊梅斑色紅作癢其圈大小不一二三相套因食穢毒之物入大腸而發名楊梅圈其名形雖異總不出氣化

精化二因但氣化傳染者輕精化慾染者重氣化者或遇
 生此瘡之人鼻聞其氣或悞食不潔之物或登園受楊毒
 不潔之氣脾肺受毒故先從上部見之皮膚作癢筋骨微
 疼其形小而且乾也精化者由交媾不潔精泄時毒氣乖
 肝腎之虛而入於裏此為慾染先從下部見之筋骨多痛
 或小水澀淋瘡形大而且堅氣化者毒在表未經入裏稍
 有萌動宜急服透骨搜風散元氣實者楊梅一劑散汗之
 精化者毒在裏深伏骨髓未透肌膚宜服九龍丹通利大
 小二便以瀉骨中之毒甚者二服降下毒物以土深壓之
 行瀉之後體實者升麻解毒湯體虛者歸靈內托散服至

筋骨不疼瘡色淡白內毒已解再用金蟾脫殼酒一料掃
餘毒以絕其源如梅毒初發服表藥時恐上攻頭面宜豫
服護面散或瘡勢已發於面愈後斑痕不退宜翠雲散點
之以滅痕跡若梅毒潰爛時膿穢浸滲成片而痛者以鵝
黃散撒之又翻花楊梅亦以本方加雄黃末香油調敷之
外有護從丸於發瘡時令侍從人服之可免傳染梅毒初
起頭不痛筋骨不疼小水通利瘡形碎小色鮮頭面稀少
口角無瘡胸背稠密穀道清楚者為順若先發下疳次生
便毒魚口便覺筋骨疼痛而梅毒隨發色紫堅硬手足多
生形如湯潑起皰者為險總之始終調治得法輕者半年

重者一載始得全愈若忠若不遵正法醫治欲求速效強服輕粉水銀白粉霜劫藥等類妄用熏擦哈吸等法以致餘毒含藏骨髓復為倒發結毒輕則累及妻子甚則腐爛損形不可不慎

透骨搜風散

透骨草 白花者陰乾

生脂麻

羌活

獨活

小黑豆

紫葡萄

槐子

白糖

六安茶

核桃肉 各一錢五分

生薑三片紅棗肉三枚水三鍾煎一鍾露一宿空心熱服

被蓋出汗避風

方歌透骨搜風散梅毒筋骨微疼癢皮膚脂麻羌獨豆葡萄槐

子糖茶核桃肉

楊梅一劑散

麻黃

一兩
蜜炙

威靈仙

八錢

大黃

七錢

羌活

白芷

皂刺

金銀花

穿山甲

多研

蠟蛻

各五錢

防風

三錢

山羊肉一觔河水煮熟取清湯二盃用黃酒一盃將藥煎至一盃令患者空心將羊肉淡食令飽隨後服藥蓋被出

汗避風

方 楊梅一劑元氣壯上部生毒氣化瘡麻黃羌芷威靈刺銀

花風甲蟬大黃

升麻解毒散

升麻

皂刺 各四錢

土茯苓 一觔

水八盞煎四盞作四次一日服盡每次炖熟加香油三茶

匙和勻量病上下食前後服之如瘡生頂上加白芷

咽內加桔梗

胸腹加白芍

肩背加羌活

下部加牛膝

方 升麻解毒筋骨疼梅毒纏綿壯服靈土苓皂刺香油服按

部須加藥引經

歸靈內托散

人參

不瓜

白朮

上炒

金銀花

防已

天花粉

白鮮皮

薏苡仁

各一錢

當歸

熟地

白芍

酒炒

川芎

各一錢

土茯苓

二兩

威靈仙

六分

甘草

五分

水三鍾煎二鍾作二次隨病上下服之渣再煎服

下部加牛膝五分

元氣虛者倍加參歸

行身... 卷七十三
毒氣盛者倍金銀花加蒲公英

外以麥冬五錢去心薏苡仁五錢土茯苓一兩煎湯常服

以代茶

方歌歸苓內托參木瓜木銀四物已天花土苓鮮薏威靈草梅

瘡體弱服堪誇

金蟬脫殼酒

醇酒五觔大蝦蟆一箇土茯苓五兩浸酒內瓶口封嚴重湯

煮二炷香時取出待次日飲之以醉爲度無論冬夏蓋煖出

汗爲效餘存之酒次日隨量飲之酒盡瘡愈又治結毒筋骨

疼痛諸藥不效者更妙服酒七日後禁見風爲效忌口及房

慾

護面散

女人頭髮

煨存性

明雄黃 各三分

共研細香油半酒鍾調勻滾黃酒冲服一日三服

方歌 護面散醫梅瘡現豫服毒不攻頭面香油調藥黃酒冲只

用雄黃頭髮煨

翠雲散

輕粉 一兩

石膏 一兩

瞻礬

銅綠 各五錢

共研極細末濕瘡乾撒乾瘡以公豬膽汁調濃點之每日

三次斑痕自退

方歌翠雲散去瘡後斑輕粉石膏共膽礬銅線共研濕乾撒猪

膽汁調能潤乾

鵝黃散

輕粉

石膏煨

黃藥各等分炒

共為末乾撒患處即可生痂再爛再撒毒盡即愈

方歌鵝黃散治梅瘡爛膿穢多疼浸成片輕粉石膏黃藥研乾

撒止疼解毒驗

護從丸

雄黃

川椒各五錢

杏仁一百粒炒去皮尖

共研末燒酒打飛羅麵糊爲丸如梧桐子大每服十五丸
白滾水送下

方歌

護從丸避梅瘡患雄黃川椒石五錢杏仁百粒酒糊入從

人服之毒不傳

九龍丹

見下部懸癰

場 梅 結 毒 圖

場梅結毒形狀破爛眼蝕鼻或肩肘腿脛腐爛



行身長... 金... 卷十一

楊梅結毒

結毒楊梅毒結生原於誤服劫藥成日久逢虛始倒發腦鼻喉目任蝕攻

註

此證因生楊梅方熾誤服水銀升煉悍燥劫藥希圖速效瘡痂盡落一時僥倖而愈不知遺害久遠引毒潛藏骨髓關竅之中其毒積久因經虛外攻故名結毒倒發其始先從筋骨疼痛隨處結腫皮色如常將爛時色方紫紅腐臭不堪以致腦頂塌陷腮唇鼻梁損壞穿喉蝕目手足拘攣等患終成痼疾初起結腫筋骨疼痛時宜服搜風解毒湯若徧身破爛臭穢而兼筋骨疼痛氣實毒盛者宜服化毒

散氣衰者豬脰子湯主之若結毒腫塊經年難愈諸法罔效者宜西聖復煎丸主之若結毒攻於口鼻者宜五寶散主之年久臭爛鼻破損壞者宜服結毒紫金丹若入巔頂頭痛如破者內服天麻餅子鼻吸碧雲散若鼻塞不通宜吹通鼻散甚效毒攻咽喉腐爛臭蝕者宜服硫黃不二散兼吹結毒靈藥兪人中白若結毒筋骨疼痛朝輕夜重喜熱手按揉者係犯寒涼宜鉛回散主之結毒臭爛不斂宜貼解毒紫金膏兼撒結毒靈藥壯實者以解毒為主虛弱者以兼補為法以上之證各隨次第如法調治重者一年輕者半年自然可痊永無後患慎勿妄求速效以自貽誤

也

搜風解毒湯

土茯苓 一兩

白鮮皮

金銀花

薏苡仁

防風

木通

木瓜 各五分

皂角子 四分

水二鍾煎一鍾服之一日三服

氣虛加人參七分

血虛加當歸七分

忌清茶牛羊雞鵝魚肉燒酒房慾等件

方歌 搜風解毒湯倒發初腫拘急骨痛加土苓白鮮銀花薏皂

角防風通木瓜

化毒散

生大黃 一兩

穿山甲 炙

當歸尾 各五錢

白殭蠶 三錢 炒

蜈蚣 一條 炙黃

共研末每服二錢溫酒調下一日二服

方歌化毒散醫結毒盛破穢氣實筋骨疼大黃山甲殭歸尾蜈

蚣研末酒調成

豬脰子湯

豬脰子 一兩 切碎

黃耆 鹽水炒

金銀花 各三錢

當歸

白芍 各一錢五分 酒炒

天花粉

貝母

去心研

穿山甲

炙研

白鮮皮

青風藤

白芷

木瓜

皂刺

甘草節

各一錢

黃栝蘗

一箇連仁研爛

防已

七分

鼈虱胡麻

二錢炒研

白色土茯苓四兩河水四大盞煎湯三盞去滓將羣藥入

湯內煎一大盞通口服胃弱者分為二服日三服

方歌豬脰湯治結毒虛歸芍天花蘗貝耆胡麻銀甲鮮藤芷木

瓜已刺草苓宜

西聖復煎丸

乳香

沒藥

孩兒茶

丁香 各一兩

血竭

阿魏

白花蛇 各四錢

飛羅麵 一觔
炒焦黃色

共研細煉蜜六兩煎滾香油四兩大棗肉二十枚搗膏共
和為丸如彈子大每服一丸土茯苓二兩水二鍾煎至一
鍾將藥丸入內再煎至半鍾澄去渣溫服

方歌

西聖復煎丸結毒腫塊經年服自無乳沒兒茶丁血竭阿

魏白蛇麵炒胡

結毒紫金丹

龜板 放炭火上炙焦用白酒漿塗之
再炙以焦黃為度研末二兩

硃砂 六錢
石決明 六錢 用九孔大者
煨紅童便滓一次

各研極細末共和勻爛米飯為丸麻子大每服一錢量病

上下食前後服之筋骨疼痛酒下腐爛者土茯苓湯下

方歌結毒紫金丹龜板石夾硃砂米飯丸年久毒攻鼻損破土

苓湯服臭爛痊

天麻餅子

天麻

薄荷

甘松

白附子

去皮

白芷

蒼朮

米泔水浸炒

川芎

川烏

湯泡去皮

草烏

湯泡去皮

防風

細辛

甘草

各一錢

雄黃

全蠍

各三錢

右為細末寒食麵打糊為丸如豌豆大捻作餅子每服二三十餅葱白煎湯送下

方歌天麻餅子薄甘松雄黃白附芷蒼芎川草烏蠟防細草結

毒攻巔頭痛平

通鼻散

壺盧殼

燒灰

石鍾乳

膽礬

冰片

各等分

共為末吹入鼻內出黃水日吹二三次三二日即通

方歌通鼻散吹結毒證毒塞鼻中息不通石鍾乳與壺盧殼膽

礬冰片等分同

硫黃不二散

硫黃 一錢

旋花 一分

共研細用涼水一酒鍾調服

方歌硫黃不二毒攻喉腐臭爛蝕痛不休涼水調服疼立止旋

花少兌不須憂

結毒靈藥

水銀 一兩

硃砂

硫黃

雄黃 各三錢

共研細入陽城礶內泥固鐵蓋梁兜固緊封口其火候俱按紅升丹之煉法火畢次日取出蓋底靈藥約有一兩五

六錢治尋常腐爛之證靈藥五錢輕粉五錢同研細少確
盛收以紗封之臨用時甘草湯洗淨患處將確倒懸紗眼
內篩藥患上油紙蓋之男婦咽喉爛者靈藥一錢加入中
白二分研細吹之日用三次

方歌結毒靈藥化腐方水銀硃砂硫雄黃共研入罐用泥固甕
緊火昇三炷香

鉛回散

黑鉛半斤銅杓化開傾入水中取起再化再傾以鉛化盡為
度澄去水將鉛灰傾在三重紙上下用灰收乾水氣鉛
灰中

硫黃

曬乾

各等分共研細每服一錢温酒調服至重者不過三次即效

方歌鉛回散療筋骨痛寒觸結毒夜間重鉛化成灰兌硫黃每

服五錢酒調送

五寶散 方見下部 疔瘡

碧雲散 方見頭部 頭風傷目

結毒紫金膏 方見脛部 廉瘡

赤白遊風圖



赤白遊風形如雲片中起粟粒

赤白遊風

赤白遊風如粟形浮腫焮熱癢兼疼表虛風襲怫鬱久血赤氣白熱化成

註

此證發於肌膚遊走無定起如雲片浮腫焮熱痛癢相兼高壘如粟由脾肺燥熱而兼表虛腠理不密風邪襲入怫鬱日久與熱相搏則化熱益盛而成滯於血分者則發赤色滯在氣分者則發白色故名赤白遊風也初俱宜荊防敗毒散疎解之赤者次服四物消風飲白者次服補中益氣湯加防風蟬蛻殭蠶生何首烏治之初俱用牛肉片貼之豬羊俱可遊走太速者砭之定停者以真君妙貼散雞

子清調敷其看順逆之法與丹毒門參考忌魚腥雞鵝動
風燥血之物犯則難愈

四物消風飲

生地 三錢

當歸 二錢

荆芥

防風 各一錢五分

赤芍

川芎

白鮮皮

蟬蛻

薄荷 各一錢

獨活

柴胡 各七分

紅棗肉二枚水二鍾煎八分去渣服

方歌 四物消風飲調榮血滋風滅赤色平荆防鮮蟬兼獨活柴

薄紅棗水煎濃

荆芥敗毒散

見項部
腦疽

補中益氣湯


見潰瘍門

真君妙貼散

見腫瘍門

紫白癩風圖

行身醫六全金
卷十一



白癩風發在遍身粉紅癩中有白點

紫癩風發在遍身色紫暗癩

紫白癩風

紫白癩風無癢痛白因氣滯紫血凝熱體風侵濕相搏毛竅閉塞發斑形

註

此證俗名汗斑有紫白二種紫因血滯白因氣滯總出熱體風邪濕氣侵入毛孔與氣血凝滯毛竅閉塞而成多生面項癩點遊走延蔓成片初無痛癢久之微癢初起宜萬靈丹汗之次以胡麻丸常服外用蜜陀僧散擦患處令汗出風濕自解古今治法雖多取效甚少得此證者當忌魚腥煎炒火酒動風發物

胡麻丸

大胡麻 四兩

苦參

防風

石萸薊

威靈仙 各二兩

白附子

獨活 各一兩

甘草 五錢

共為細末白酒漿和丸如棗豆大每服二錢形瘦者一錢

五分食後臨臥白滾水送下

方歌胡麻丸治紫白癩除去風濕不致延苦參白附防風草萸

蒲獨活威靈仙

蜜陀僧散

雄黃

硫黃

蛇床子 各二錢

蜜陀僧

石黃 各一錢

輕粉 五分


共研末醋調搽患上

方歌 蜜陀僧散風濕患入腠成癥紫白斑雄硫輕粉蛇床子石

黃其末醋擦痊


萬靈丹

見腫
瘍門



白 駁 風

圖



白駁風初生面項出白癩點甚則延及徧身

萬靈... 圖... 白... 風... 駁... 風... 初... 生... 面... 項... 出... 白... 癩... 點... 甚... 則... 延... 及... 徧... 身...
 其... 末... 節... 節... 患... 土...

白駁風

白駁風生面頸間風邪相搏白點癢甚延徧身無痛癢治宜消風塗脂痊

註

此證自面及頸項內色忽然變白狀類癢點並不癢痛由風邪相搏於皮膚致令氣血失和施治宜早若因循日久甚者延及徧身初服浮萍丸次服蒼耳膏外以穿山甲片先刮患處至燥痛取鰻鱧魚脂日三塗之一方取樹孔中水溫洗之洗後搗桂心牡蠣等分爲末面油調塗日三夜一俱效

浮萍丸

紫背浮萍

取大者洗淨曬乾

研細末煉蜜為丸如彈子大每服一九豆淋酒送下

豆淋酒法

黑豆半升炒烟起冲入醇酒三觔浸一日夜去豆用酒送藥

方歌浮萍丸治白駁應曬乾紫背大浮萍蜜丸彈狀豆酒服專

能發表散邪風

蒼耳膏

蒼耳


鮮者連根帶葉取五七十觔洗淨

切碎入大鍋內煮爛取汁絹濾過再熬成膏磁罐盛之用

時以桑木匙挑一匙噙口內用黃酒送下服後有風處必


出小瘡如豆粒大此風毒出也刺破出汗盡即愈忌猪肉
歌方蒼耳風邪侵皮膚氣血失和白駮生連根帶葉鮮蒼耳洗

淨熬膏酒服靈



癩瘍風生在頸項胸腋起紫白點點相連

癩 瘍 風 圖



癩瘍風生

此病由血毒而起... 癩瘍風生... 癩瘍風生... 癩瘍風生...

一 癰瘍風

癰瘍風從皮膚生頸項胸腋無癢疼紫白點點不開大皮膚風邪熱結成

註 此證發於皮膚多生頸項胸腋其色紫白點點相連亦無

癢疼較白駁形圓不延蔓開大由風邪鬱熱皮膚居久不散而成斯疾宜服烏蛇散外用羊蹄草根共硫黃蘸醋於

綉鐵片上研濃汁日塗二三次效

烏蛇散

烏蛇 三兩 酒浸

羌活

防風

黃芩

苦參 各二兩

人參

沙參

丹參

元參

梔子仁生

桂心

秦朮

木通

犀角屑

白蒺藜

升麻

枳殼

白鮮皮

川芎

各一兩

共研細末每服二錢食遠溫酒調服忌雞豬魚蒜麪食熱

物之類

方歌烏蛇癰瘍風熱淫羌活防風芎五參梔桂秦朮通犀角蒺

藜升枳白鮮芩

蠱風

毒 圖



丹毒發在遍身形如雲三色如燕脂

印集醫宗金鑑卷之二十三 編輯外科心法要訣

卷

丹毒

丹毒名多雲片形風火濕寒內分凝胸腹四肢分順逆清火消風反敷靈

註孫真人云丹毒一名天火肉中忽有赤色如丹塗之狀其

大如掌甚者徧身有癢有痛而無定處丹名雖多其理則

一也形如雞冠名雞冠丹若皮澀起如麻豆粒者名茱萸

丹亦有水丹徧身起炮遇水濕搏之透露黃色恍如有水

在皮中此雖小疾能令人死須當速治不可忽也色赤者

諸書謂之赤遊丹色白者為水丹小兒多生之但有乾濕

癢痛之殊有夾濕夾風夾寒之別諸丹總屬心火三焦風

邪而成如色赤而乾發熱作癢形如雲片者卽名赤遊丹
屬血分有火而受風也毒盛者服藍葉散毒輕者宜導赤
湯加薄荷葉獨活服之如初起白癩漸透黃色光亮脹墜
破流黃水濕爛多痛者名水丹又名風丹多生腿膝屬脾
肺有熱而夾濕也宜防已散主之亦有起白癩無熱無痛
遊走不定者由火毒未發肌膚外受寒鬱名爲冷癩宜服
烏藥順氣散外用薑擦凡丹形初見卽用牛羊精肉片貼
之甚則用砒法令出紫血色重不散者以栢葉散敷之又
方芸薹葉研末靛青調敷甚效諸丹本於火邪其勢暴速
自胸腹走於四肢者順從四肢攻於胸腹者逆

藍葉散

藍葉

曬乾

川芎

赤芍

知母

生地

白芷

川升麻

柴胡

葛根

杏仁

炒去皮尖

甘草

各一錢

石膏

煨

梔子仁

各五分

共搗粗末每用八錢新汲水二鍾煎八分去渣服

熱甚加黃芩元參

方藍葉散却赤遊丹皆因血熱風邪纏芎芍知膏生地芷升

麻柴葛杏梔甘

防已散

防已 三兩

朴消 一兩

犀角 鎊

川芎

黃芩

黃耆

川升麻 各一錢

共搗粗末每用五錢加竹葉三十片新汲水二鍾煎八分

服

方歌防已丹毒始白癩漸黃亮痛濕熱原朴消犀角芎芩共耆

與升麻竹葉煎

烏藥順氣散

烏藥

橘紅 各二錢

枳殼 麩炒

白芷

桔梗

防風

殭蠶

炒

獨活

川芎 各一錢

甘草

生五分

水二鍾生薑三片煎八分服

方歌烏藥順氣枳橘紅芷桔風殭獨草芎冷瘕遊行無熱痛因

毒未發受寒風

導赤湯

見口部
口瘡

柏葉散

見腰部
腰火丹

黃芩

黃芩

粟瘡圖



粟瘡生在遍身形如紅粟作癢

本草綱目卷之五十一 三編 外科心法要訣

三

粟瘡作癢

粟瘡癢證屬火生風邪乘皮起粟形風爲火化能作癢通聖苦

參及消風

註

凡諸瘡作癢皆屬心火火邪內鬱表虛之人感受風邪襲

入皮膚風遇火化作癢致起瘡瘍形如粟粒其色紅搔之

愈癢久而不瘥亦能消耗血液膚如蛇皮初服防風通聖

散加枳殼蟬蛻血燥遇晚癢甚夜不寐者宜服消風散外

敷二味拔毒散若年深日久膚如蛇皮者宜常服皂角苦

參丸外用豬脂油二兩苦杏仁一兩搗泥抹之自效

皂角苦參丸

苦參 一觔

荊芥 十二兩

白芷

大風子肉

防風 各六兩

大皂角

川芎

當歸

何首烏 生

大胡麻

枸杞子

牛蒡子 炒

威靈仙

全蠍

白附子

蒺藜 炒去刺

獨活

川牛膝 各五兩

草烏 湯泡去皮

蒼朮 米泔水浸炒

連翹 去心

天麻

蔓荊子

羌活

青風藤

甘草

杜仲 各三兩 酥炙

白花蛇 切片酥油炙黃

縮砂仁 各二兩 炒

人參 一兩

本草綱目卷之二十三 編輯外科心法選錄

共研細末醋打老米糊為丸如梧桐子大每服三四十九
温酒食前後任下避風忌口為要

方歌皂角苦參粟瘡癢久似蛇皮膚難當芎歸何首胡麻芷大

風枸杞草烏蒼翹勞威靈蠟白附蒺藜天麻獨蔓羌白蛇
風藤甘杜仲人參牛膝縮荆防

防風通聖散 見頭部 禿瘡

消風散 見頂部 鈕扣風

二味拔毒散 見腫 瘍門

柏 筋 箭 圖



桂筋箭又名肱子初如赤豆

御製醫書卷之二十三 編羅外科心法

枯筋箭

枯筋箭由肝失榮筋氣外發赤豆形破突筋頭如花蕊或繫或
多便成功

註

此證一名脫子由肝失血養以致筋氣外發初起如赤豆

枯則微槁日久破裂鑽出筋頭鬢鬆枯槁如花之蕊多生
於手足胸乳之間筋蒂細小者宜用藥線齊根繫緊七日
後其患自落以月白珍珠散摻之其疤收斂根大頂小者
用銅錢一文套脫子上以草紙穰代艾連灸三壯其患枯
落脫形若大用草紙蘸濕套在脫上灸之

藥線

見腎部
痔瘡

月白珍珠散

見潰
瘍門

終

